

欽定廓爾喀紀畧

卷一

欽定廣輿記

卷一

欽定廓爾喀紀畧卷一

乾隆五十六年八月二十二日

甲子

駐藏辦事大

臣保泰雅滿泰奏言本年二月間

臣

等照鄂輝

等原奏委後藏都司徐南鵬帶領戴紉等派唐

古忒兵丁駐劄邊界後據噶布倫丹津班珠爾

呈請同噶布倫扎什敦珠布帶領戴紉等分路

前至交界處所巡查並訓練唐古忒兵丁技藝

臣

等因所呈尙是准其前往惟時達賴喇嘛遣

人告稱前年廓爾喀侵犯邊界將聶拉木寺廟

殘毀今乘噶布倫等查邊之便我派地穆呼圖

克圖商卓忒巴扎薩克喇嘛噶爾藏丹津同噶

布倫至聶拉木脩理寺廟

臣

等亦准令去後茲

於七月二十一日據喇嘛噶布倫等稟稱六月

二十四日行至聶拉木給信與廓爾喀商議舊

時未完債項七月初六日傍晚廓爾喀頭人一
名帶領七十餘人亦至聶拉木地方次早廓爾
喀頭人等領兵千餘向聶拉木進發我等見來

人甚衆一時不能禁止將彼處橋梁拆毀廓爾
喀疑斷其歸路混放鳥鎗致相爭鬧廓爾喀卽
佔據聶拉木將噶布倫戴綳等俱圍住彼處等

因續經都司徐南鵬稟報相同

臣

等隨遣都司

嚴廷良迅赴聶拉木地方查問起釁緣由並委

戴綳敏珠爾多爾濟帶領附近唐古忒兵丁飛

往救應臣保泰調達木兵五百名酌帶綠營兵

丁前至扎什倫布安撫人衆催趲唐古忒兵丁

把守各邊界要隘倘廓爾喀不知畏懼仍肆搶

掠臣保泰一面具

奏一面將班禪額爾德尼移居前藏將臣帶往兵

丁留護扎什倫布侯將班禪額爾德尼送至前藏時再回扎什倫布催兵防守

同日成都將軍成德四川總督鄂輝奏言據保

泰咨行摺稿內稱廓爾喀將查邊之噶布倫戴

綳等誘至聶拉木地方圍困滋事等因

臣成德

鄂輝俱係原在巴勒布承辦邊事之人若保泰

妥協辦竣自毋庸議倘生意外之變

臣

成德任

所事務尙少建昌鎮總兵穆克登阿曾與廓爾喀頭人熟識現在該總兵

陛見回程已近俟保泰等文咨到時如未能蕝事

臣

成德卽帶領穆克登阿同至藏界妥協剖斷

均奏入

上命軍機大臣傳諭保泰成德鄂輝曰據保泰奏廓爾喀將噶布倫戴綳誘去圍在聶拉木胆敢佔據

地方保泰現往後藏酌辦並據成德亦願前往廓
爾喀係歸降外夷何遽敢肆行滋擾從前鄂輝成
德巴忠辦理藏務時若將債欠查明清還自可久
遠寧謐乃含糊辦理交與噶布倫私自還給唐古
忒性本瑣屑復不照原議給發致有此事若差去
之噶布倫能知事體輕重與廓爾喀理論限期還
給則廓爾喀亦不敢佔據滋事祇因丹津班珠爾

見廓爾喀人數衆多卽心存懦弱退回拆橋而廓
爾喀見橋已拆毀懷疑生變其情形可想而知保
泰一聞此信卽趕赴後藏如已查明辦竣固屬甚
好倘若暫且不能完事鄂輝距彼甚近自可不時
聞信鄂輝聲名較大成德人稍粗率未經歷練應
令鄂輝前往爲安亦不必多帶兵丁不過于伊所
管綠營內揀選五十人帶去已足敷用鄂輝係總

督大員領兵前往廓爾喀自必聞風膽落西藏現有達木蒙古兵丁萬一再有需用之處內地相去寫遠可于土練番兵內就近調取千餘名不獨順便且較爲得力著鄂輝探聽西藏信息相機妥辦孫士毅在京無事著往署四川總督事務孫士毅至川時保泰若已辦完從前鄂輝曾請陛見卽將總督印務交與孫士毅署理鄂輝卽來京陛見倘

西藏事未完竣必待鄂輝前去則孫士毅一到鄂
輝迅速赴藏妥爲辦理以贖前愆再保奏廓爾
喀倘肆掠進攻卽將班禪額爾德尼移于前藏所
奏亦屬太過班禪額爾德尼在扎什倫布衆心安
貼倘一動移後藏人衆必致紛紛擾亂不成事體
況廓爾喀旣能侵後藏亦必能侵前藏彼時又將
移達賴喇嘛班禪額爾德尼于何地保奏只可靜

守斷不可輕移妄動致惑衆心再廓爾喀前經悔
罪歸降封錫王公膺受恩典唐古忒縱有欠項負
約亦當訴知駐藏大臣懇求剖斷自能代伊查辦
並將失信之噶布倫加以責處乃並不呈明駐藏
大臣竟擅自圍住聶拉木大肆猖狂著鄂輝保泰
各寫示帖嚴行曉諭以前歲爾等與藏內失和任
意侵掠天朝曾發兵進討因爾等悔懼歸誠貰其

欽定四庫全書
卷一百一
六
既往封爵優隆今爾等不知感恩又復滋擾大兵
卽時雲集爾等自問能抗拒乎縱再傾心降順泥
首籲求亦恐難邀寬免矣如此詞嚴義正明切曉
示並將帶去兵丁揚威奮武使之聞而讐服保泰
馳抵後藏卽將廓爾喀情形如何之處速由六百
里具奏候朕再降諭旨

臣
等謹案衛藏西南界外舊有巴勒布三汗

曰陽布曰葉楞曰廓庫木分領其衆廓爾喀
別一部落本與巴勒布相鄰後寢強橫其酋
長博納喇赤并吞三部及小部二十餘處遂
據巴勒布而有之其嗣孫拉特納巴都爾年
幼叔巴都爾薩野用事先是部人至藏貿易
以易換銀錢構爭起釁侵掠藏界

皇上命鄂輝成德巴忠三人統兵收復酋長震懾籲

降抒誠納貢仰荷

聖恩優渥

錫之封爵

列在爰閭洵乎恢撫馭之紘綱浹綏懷於荒憬矣乃

甫屆一年旋因唐古忒逋負未清將噶布倫

戴綳等誘圍滋擾固由廓爾喀獷悍性成而

亦任事者謀之不臧有以致之也

皇上淵謨神運

燾載兼容當奏報之初尙無必欲用武之意迨其妄
肆鴟張蹂躪扎什倫布於是

赫斯授鉞聲討宣威遠籌戡定之幾永垂敕寧之軌
事歲於再舉而

功底乎十全

臣

等欽承

諭旨續輯紀畧仍從廓爾喀本號以志巴勒布爲其